

J d
864

~~7989~~

Ud 5364

Biblioteka Jagiellońska



stdr0014825

1128823

Bevol Ud 5364(a-e)

PARENTALIA
IN OBITVM ILLV.

STRISSIMI ET MAGNI-
FICI DNI.

D. IANVSSII
GRZYMVTOWSKI

CASTELLANI BIDGOSTIEN:
CAPITANEI SRODENSIS

Ecc. Ecc.

A

IO ANNE CENTALIO A.B.

Eiusdem Illustrissimi Patris Soboli.

Anno 1617. Die 3. Octob.

HONORIS, ET DEBITÆ OBSERVANTIÆ ERGO
DEDICATA.

VIVIT POST FVNERA VIRTVS

Posnaniæ, in Officina Ioannis Wolrabj.



IN STEMMA GENTILICIVM.

FRonce orbata, cruce insignis, ramisq; decora,
 Tristū, sacra, hilari. Quid notat arbor? Habe.
 Arbor, crux, rami, corpus, mentem, sobolemq;
 Defunctum, saluam, perpece stirpe fore.
 O felix! ter felix GRZYMUTOVIUS Heros!
 Corpore, Stirpe, Anima, Symbola pulchra tenet.

REVEREND^{mo} DOMINO
 D. IOANNI DIVINA
 PROVIDENTIA ABBATI
 LANDENSI.

MAGNIFICIS DOMINIS
 DD. STANISLAO, A.N.
 DREÆ CHRISTOPHORO &c.
 GRZYMUTOVSCII FRATRI
 BVŚ GERMANIS S.

SIquando Vrbs Romana, mundi compendium, ca-
 put ac miraculum, gentium lumen, viris laudatissi-
 mis gloriae Symbola inuictata erigere visa est;
 tunc vel maxime eo tempore quo mortalis corporis
 sarcino illi destituti, ad recte factorum pramia (vix fabulose
 putabant) capienda euolassent. Iam enim & excellentes Ora-
 tores pro concione ad mortuorū laudes enumerandas submie-
 tebat; remisit ludibus, praeficiis amotis, cantus & tibias indu-
 cebat, singulari fortitudinis trophea & monimēta consecrabat,
 quibus posterorum animi ad amulationem & amorem excita-
 rentur, mortuorum egregia facinora, laudis ornamenta insi-
 gni munerarentur. Mihi quidem Parentis Vestri Illustrissimi
 vita sancti gloriae studiosissimo, nominis Vestri cupidissimo,
 non tantum ingenii Poeticaeque facultatis vis diuina affluit, ut
 laudationi aut Panegyri Illustris Parentis Vestri aeterna
 memoria dignissimi in Repub. pro Repub. collata facinora
 adaequare possit. Nobilissimorū Oratorum & Poetarū centu-
 rias hic campus laudis & gloriae in quo felicissime decurrant,

sibi deposcit: amore tamen eius, Vestroq; favore omnibus paratissimo incitato facere minime licuit, quin aliquid animi, Vestris animis obstrictissimo, calamo Vobis officiosissimo in Threnodias & Epicedia conijceret. Et quamvis Homero ipso ad Achillem tantum decorandum opus esset, neq; dolori habenas laedere commemoratione Nobilissimi Herois expediat; mihi tamē ea usurpare haud indecens duxi, quibus præstantissimam memoriam Parentis Vestri Illustris. non depingerem, sed lenissimè adumbrarem. Non desunt prudentissimi senatoris ordinis & equestris sapientissimi Viri, qui instar Hameri Parentis Vestri Illustris. pulcherrimam laudū argumenta, longa serie recenseant sunt innumeri quibus in ore frequens illa gravitas, illud consilium, illa prudentia conquiescit. Quid loquar de afflictæ ac prostratæ fortunæ hominibus? Ecce illi pullato agmine, lugubri nenia, Parentem suum inter mortuis vocibus lacrymantur, à cuius vita, presidium vitæ, fortunæ, fortunarum suarum subsidium, desumebant. Vestra vero ô Nobilissima Proles, digna tanto Parente, quæ animi eadē & vocis testificatio foret, nisi dolore, animo occupato voci aditus omnis intercluderetur. Norūt tamē ex animo Vestro, veluti ex Timanthis pictoris tabula, quæ Vestra in Parentem Illustris. pectoris effusio, quæ amoris significatio appareat, istud velum veluti olim Agamemnoni per pictoris tabulam in cede Iphigeniæ obiectum Vos plurimo mærore sepultos respirare minime permittit. Facite iam ve dolorem, quem mors acerba pyra instar Vris pectoribus excitavit, cum recordatione optimi Parentis, cum Parentalibus istis versiculis, à Cliente Vro conscriptis, veluti infusa frigida leniatis. Valere & Parentis Illustris. iacturam Reipub. Patriæ, egregiè factis decorate.

Occidis haud vnquam genitor rediturus amare,
 Spes nostræ afflictæ te moriente cadunt.
 Iamne tuos natos linquis? iam deferis orbem,
 Aspectu pateris nosq; carere tuo?
 Occidis hem superis cœlo hem dignissime! Vitam
 Sat pulchro mutans munere sorte Parens.

L V C T V S

MM. DD. DZIALINSKI & MODLI
 S Z E W S K I

Invida ten' nobis Lachesis conuiuere Socre
 Inuider? è vita te violenta rapit?
 Poscimus ô Parcæ quibus est concessa potestas
 Parcendi, vestras iam cohibete manus.
 Irrita vota cadunt, extrema volumina Diis
 Cernimus, haud sistit nostra loquela manus.
 Ah dolor! ah gemitus! Socro negat Atropos atra
 Auras vitales, quàm fera corda gerit!
 Sed nobis quamuis te hinc funera tristia tollant,
 Attamen haud aberit mentis imago tuæ.
 Illa recurfabit quoties de pectore luctus
 Edimus, atq; tui pectore gliscet amor.

LACRYMIS AMICO

RVM NON LACRYMAS
 DEFUNCTVS.

Quem

Quem fletis nati? nata? quem fletis amici?
Barbara cur lacrymis ora tuisq; lauas?
Sic opus est an me, vel sic mea funera fieri?
Iam me pro meritis cælica dona beant.
Discedat luctus; ne fle dulcissima coniunx
Extinctus tibi sum, sed mea vita *DEVS*.
Ne gemitu dilecta cohors non funera nostra
Fleto, Mors bona fors, quæ bene facta parant.
Ne fle cara cohors; nil prosunt ista sepulto,
Dextera defunctum largæ, precesq; iuuant.
Arcete à tumulo lacrymas, ver hæc agit vrna;
At cineri terram quisq; precare leuem.

AD SRODENSES

Pvllatum sequeris Domini lacrymabile corpus
Plebs pia, nec iustis flendo deesse cupis.
Hinc dolor immensus stimulat, suspiria ducis;
Exigit hoc pietas, exigit atq; fides.
Magna hæc officia extincto, maiora fuissent
Viuo; Sed magnus sic cupit ipse Pater.
Non ciues funus, lerihiq; immania iura
Fleueritis, lacrymis non eget iste pijs.
Ite procul mæstæ inferiæ, istis nœnia desit
Funeribus, nardum hæc spirat & vrna crocos.

AD EOSDEM

Quis

Et primum æthereo passu sapientia doctum,
Amplexata virum fouit, cum Astrea Virago
Lances commisit geminas, quas pondere certo
Libraret munerans pietatis munus & æqui,
Vt nec in hanc partem, nec in illam vergeret, æquus
Sede Senatoris. Bidgostia cui sua vouit
Pignora, & ad summos apices deduxit honores.
Hunc sibi Sroda patrem cecinit quo Principe mentis
Munera libauit, propugnatore scelestos
Eua sit paci sacrae firmata tumultus.
Instituitq; piam sine tristi, murmure vitam.

Doctus erat dubijs supremum imponere finem,
Litibus, & doctus latebris educere verum,
Immersum, doctus vulgi componere mentes
Auerfas, doctus causas discernere iustas.
Publica priuatae cedebant commoda causa.
Non illæ anxiferis curis, non ille labori
Parcere suetus erat, Patriæ vt prodesset in æquo
Consilio Magnus; non vnquam mæstus abiuit.
Pauper opem poscens, non vnquam ianua clausa
Hospitibus, nunquam querulum liquitq; clientem
Consilium implorantē æquum. Quæ docta facultas
Ingenij? Linguaq; modus? Quod amabile pondus
Mentis? & arrectas, sermo qui duceret aures?
Læta viro grauitas fuerat, non fronte serena,
Tristitiæ nubes voluit, non ira seuera.
Succendit solidum pectus, non fastus inanis

A 3

Infla-

Inflauit doctam mentem : Sed lenis & æquo
Humanus, facilis, curas exercuit altas,
Religione *DEVM*, patriam pietate colebat.
O Lux Sarmatiæ! Iubar ô! Quo carmine tandem,
Te tantis digner meritis, virtute flagrantem!
Raptus es immerito letho, sed laude perenni
Non es raptus, abis longe felicius æuum.
Victurus, viuis cæli delatus in aulam,
Viuis & in terris fama, quam nulla vetustas
Inuoluet. Viuas hoc pro te poscimus omnes.
Spiritus æthereas regnet transfuectus in oras,
Corpus humo tectum, felix requiescat in æuum.

MOESTÆ CONIUGIS LACRYMÆ.

Quid me Parca furens viduatam viuere chara
Parte facis, mentis dimidioq; meæ:
Hem raperis coniux, tecum mea vita labascit,
Spes cadit eximiae gloria gentis honos!
Quis mihi dat Niobæ pectus? quis faxea corda?
Pectore præ lacrymis deficiente meo.
Hæc cari exuias comprehenderet vrna mariti,
Non darur, illa, oculis conditur ergo meis.

NÆNIA PIÆ SOBOLIS.

Occidis

Tum sequimur pauidi, tristi suspiria corde
Et flentes gemitus crebros lacrymasq; ciemus,
Tundimus & pectus palmis, mortemq; timemus,
Mortem inculamus, mortis meminisse ferocis
Tum iuuat. At postquam terræ miserabile corpus
Conditur, & pompæ lacrymosus tergitur imber.
Ilicet ex oculis & mente abscedit imago
Horribilis mortis, tædet meminisse supremi
Fati; non animis mortem, nec voce tenemus,
Excidit illius nomen dextræq; facultas.
Ac veluti (modo fas exemplis talibus vti)
Si quando Lanius porcum piguedine crassum
Arripuit, vel strauit humi, iuguloq; cruorem
Vociferantis adhuc haurit; tunc vndiq; lecta
Tota caterua suum propere glomerantur in vnum,
Grunnit & horrendum, vocem similisq; dolenti
Emittit, donec sensim ductore sepulco
Vi necis, in virides pastum delabitur agros,
Immemor in similes mortis reditura reatus.

Hac rerum facie, mortales triste cadauer
Deplorare solent, præsens mouet vrna, voraci
Reddita sed terræ, nulla formidine pectus
Tangit. Sic multis viuunt obnoxia fati
Lustramalæ vitæ, Lachesis dum pensa ministrat.
Heu durum mortale genus, melioribus vti
Immemor auspicijs, pronum se trudit in omnes
Casus, terræ hærens vltro auersatur Olympum!

A 2

Nunc

Nunc iunet Heroi decusso cuspide fati
 Pendere supremum Lesso lacrymante decorem.
 Heu rigido busto requiescit clausus, honores
 Demissor subigens! non iam spectante corona
 Enumerare potest titulos, non facta suorum
 Martia, splendorem summum decorando Senatûs,
 Virtutis fruitur nituit quæis viuus elenchis,
 Et gratos capiens post mortem laudis amores,
 Dulcilego refecit me vsus sua corda susurro.
 Desine pullata carmen præcinctus ab olla
 Sollicitare Pater varum, cui pecten acutum
 Arguta resonare solet dulcedinis metrum;
 Læta coronatæ capiant quoq; sistræ sorores
 Cecropio ludant versu, tristici; querela
 Deposita renouent Herois symbola laudum.
 Pro querulo fletu, fontes mihi reddite Musæ
 Pegaseos, meritum quæis spargam nobile corpus
 GRZMVTOWSKI, dignum vita, si fata dedissent
 Quadruplici: ast superis aliter visum, imus ad vnam
 Metâ. GRZMVTOWSKI omnes lacrymemur ademptû.

Non ille immeritam vitam ducebat, in horas,
 Quam non assiduo ornaret virtutis amore.
 Sanguine prænobili cretus, decorauit eundem
 Artibus ingenuis, vernantis lustra iuuentæ
 Moribus instruxit sanctis, firmavit in annos
 Egregios actus iuuenis, patriæq; decorem.
 Attrulit & laudem, nomen liquitq; superstes.

Et

LESSVS.

Dira cruentatis totum furibunda per orbem
 Dum ruit in bigis, nullo discrimine secum
 Mors omnes rapiens, rigidis dum cæde re-
 Cæca triumphat equis passim, crudelis acerbo (cepta
 Cuspide, cor fessum multo languore pererrans:
 Luminibus tetigit GRZMVTOWII: Legibus ille
 Se fati subdens, cælestes fudit in auras
 Spiritum, & exuijs carnis mentisq; relictis
 Æterno gemitu charos lacrymisq; repleuit.

Nil male mortales noua nulla emergere possunt,
 Hac facie rerum; meram properamus ad vnam,
 Tardius aut citius, summi stat grande Tonantis
 Decretum, mortis legem subiisse ferocem
 Omnibus ex æquo: non vis exemit Achyllem:
 Nerea non facies: Cræsum non aurea stagna
 Pactoli; & iuuenem pelleum mille trophæa,
 Quæ sua dextra tulit, triplex nec Nestoris æuum,
 Nec pietas memoranda Numæ, nil adiecit atrox
 Fatisono Lachesis penso fusoq; sororum:
 Quæ statuere diem fatali lege sorores
 Lueticæ obseruant frustra te cura fatigat,
 Et querulas frustra mittis sub sydera voces,
 Vt lethum euites. Tantas mortalibus ægris

A

Infe-

Infelicitis Adæ culpæ peperere ruinas.

Sed libet infestam sortem & miserabile fatum
Discere GRZMUTOVII, cæca cur nocte sub ætum
Splendorem teneat? rapido cur sternitur ausu
Et nitidus rigidis nimium committitur oris?
Cur sic fata rotant humanæ commoda vitæ?
Et fallax Lachesis mentes deludat? inertu
Spe dites, pulchrosq; dies, perimatq; iuuentam.
An qui vult meminisse sui? quod nescia falces
Exacuet, collum cuius scissura feroci?
An quia confringit sceptrum? quæ splendida ponit
Sors in mortales inopi miscetq; beatum
Id meminisse iuuat, menti solideque repostum
Hoc fixisse: Sed proh dolor immemor horum
Infelix hominum genus, licet omnibus horis
Vergat in exitium, certam nec funeris horam
Propinquare sciat, quibus instet fulmen ab astris,
Quæ nubes fatale sonent! tamen omne per æuum
Immemor interitus viuit, viuitq; sepulchrum
Millenis vitijs, fæuæ nil ianua mortis
Semper aperta mouet, nil mille sequentia culpas
Pænarum genera immanis quæ addixit Auernus
Sontibus. Vsq; ad conetrepens obliuio mortis
Deludit mentes? Tanton' mortalia corda
Vulnera mortales per culpas faucibus gestant?
Quando funebre damus vitale luce carenti
Officium, iustis iustum vt soluamus honorem;

Tum

QVismæror nouus hic vrbis per compita fertur?
Vrbis cuiuserat Præses Herusq; vigil?
Astra ferit planctus plateæ velantur amictu
Funereo, lacrymas angulus omnis amat.
Agnosco, agnosco fletus cui soluat obortos;
Cum Domino efferri plebs sibi visa suo.
Nam veluti pullos passis gallina sub alis
Fouisti tenues, re, stipe, lege, greges.
Ecquid pro meritis reddat? rem carmine signat:
AVT NVNQVAM, AVT SERO, DEBVI ILLE MORI.

SAT DIV QVI BENE

VIXIT.

FAllitur annosum quisquis perduxit in æuum
Vitam, cum melius viuere seq; putat.
Ægra, grauis, submersa malis stat vita malorum;
Longæuam vitam qui bene vixit, habet.
GRZMUTOVIUS vixit multa virtute beatus,
Ergo diu: paulum sæcula longa iuant.

MORS PROFVIT.

GRZMUTOVIO, clarum Clotho improba nomen
Orbavit forma, spe generisq; sui. (ademit,
Tot fidis carisq; sibi priuauit amicis,
Stemmata, diuitijs, nobilitate, domo,


B

His

His meliora tulit IOANNES desuper. Ergo
IOANNI minimè pessima Clotho tulit.

PRÆMIA VITÆ.

Pompilium pietas superis sociavit in axe,
Falsus sydereo cultus honorq; Iouis.
Te celebrat clerus, laudant hominumq; cateruæ,
Egregio fulsit nam tibi vita bono.
Tu verbo factusq; simul tutor & autor,
Tutasti pulchras religionis opes.
Quid memorem, veræ solidum Virtutis amorem,
Arserit ut summum mens animusq; *DEVM.*
Quid decorata tua de gazâ templa Srodana,
Aras? Quid Mystis præmia sponte data?
Quid mores sanctos? Quid provida verba? benignū
Quid pectus? longas nocte dieq; preces?
Si tibi Nestoria in terris fors vita fuisset,
Esset virtutum creditus esse parens.



TVMV-

TVMVLVS HONORARIVS.

D. V. T.

ET PIIS MANIBVS S.
ADES HOSPES ET PELLEGE.

Nam tibi hæ notæ quo

ME NOVERIS

OPVS.

HIC IACET
IANVSSIUS.

Incomparabilis erga bonos affectu.

Singularis erga DEVM pietate.

Maxima erga egenos liberalitate.

GRZIMVTOWSKI.

Heros origine ac familia pranobilis.

Varia eruditione insignis.

RELIGIONE VENERABILIS.

Ingenio Singularis.

B 2

TANTVM

TANTVM AMANS TOGÆ

Quantum non immemor

SAGI.

CASTELLANVS BID-

GOSTIENSIS.

Orthodoxæ Religionis acerrimus

PROVGNATOR.

Iuratus hereseū aduersarius.

CAPITANEVS SRODENSIS

Cuius omnis, viuis coloribus, habet

Expressam in animo imaginem

PAUPER ET DIVES.

DEFVNCTVS

Hoc omnibus thoro ab alto

viuentibus

CANIT.

OPTATE BENE MORI.

Quod ipsum nisi bene vixeritis.

Frustra est.

Optate

*Oprate & enitimini
Et quod in vobis est facite
Reliquum illi committite*

QVI

QVOS IN HANC VITAM VLTRO

NON VOCATVS INTVLIT.

Egressuris non nisi vocatus

Et rogatus manum dabit

AVXILIATRICEM.

NON MORI AVTEM NOLI OPTARE.

Non modo enim impudens

Arrogansq, Sed inefficax

Et inane votum

EST

DEGIT ANNOS L.

VITAM DESIIT M.D.C.XVII.

DIE XXV. IVNII.

HORA XXIV.

TVMVLATVS DIE III. OCTOBR.

SRODÆ

B 3

COLLA-

COLLACRTMANTIBVS SVIS
Abstulit Senatorem
Regno Lethum.

*Sed Incolam caelo non
POTERIT.*

BARBARA A GRVDNIA
CONIVX MOESTA, CARO MARITO
Liberi optimo Parenti profusissimis
CVM LACRYMIS
P. P.

VIGILATE ET CAVETE



SVBITO IRRVO.

TRISTEMVR ERGO.

ERG0 sonat Miles, Medicus, Sophus, Ergo. Poëta
Ergo sonat Sapiens, Diues, inopsq; suum.
Quis Ergo; tamen cuius, hoc non quadrat Ergo.
Quod cuius, quius, respuit aut negligit.
Ergo bonum cuius, HODIE MIHI, CRAS TIBI, Vixit.
Non est, non ero, sed rarius Ergo. Quid hoc?
Hoc sit Homo Ergo tibi fragilis rerum Alpha & Omega.
Continuo foueat mens animusq; tuus.
Letitia regnat sub imagine Mors inopina;
Quo minime speras demerit ense caput.
Letitiam Ergo necem credam; Sed tristia Vitam,
Ne moriar lacrymis vsq; riga bo genas.

IN INSIGNE GENTIS.

Fatis concessit GRZMVT OVIVS: audet acerba
Sic Clotho! tantum depopulata iubar.
Sed victor cecidit, Virtus viciisse tyrannos
Edocuit mentis, ferreque mente decus.
Non immota feret splendoris dona, colossus
Testatur vica Symbola pulchra suae.
Defuit in vica GRZMVT OVIO quidquid honoris
Id post fata sibi Pulchra trophea locant.

ALIVD.

ALIUD
IN IDEM.

GEstiit, vt carum concidit falce maligna
Parca caput, tales sustulit atq; sonos.
Quid me sat rigidam genus & mortale seueram
Arguit? en casis do bona lustra viris.
Funeribus pulchros quamuis immittis honores
Destino, nec tristes posco timere dies.
GRZMVT OVII fatum doceat, cui pulchra trophaea
Erigo, cum fausta stat cruce cuius honor.



Hist. Polon.

6. 11.

45

